

唐詩選鈔本

特 116

4-15



始



釋 清 潭 編

唐詩選鈔本

丙午出版社發行

特116
415

唐詩選鈔本例言

一選唐詩。善本不尠。曰唐詩紀事。曰唐詩正聲。曰唐賢三昧集。曰唐詩別裁集。而或過浩瀚。或不多流行。其易得者。莫如于鱗唐詩選。家備戶誦。良有以。

一就選又鈔。不免僭越。然意在充課本。看者勿咎。

大正甲戌廣寒月

釋 清 潭

識

大正 12.4.9

丙寅

目次

述懷	魏徵	公子行	劉庭芝
感遇	張九齡	代悲白頭翁	劉庭芝
荆丘覽古	陳子昂	下山歌	宋之問
子夜吳歌	李白	夜歸鹿門歌	孟浩然
經下邳圯橋懷張子房	李白	烏夜啼	李白
後出塞	杜甫	兵車行	杜甫
玉華宮	杜甫	短歌行贈王郎司直	杜甫
送別	王維	飲中八仙歌	杜甫
西山	常建	哀江頭	杜甫
宋中	高適	韋諷錄事宅觀曹將軍畫馬圖	杜甫
與高適薛據同登慈恩寺浮圖	岑參	引	杜甫
幽居	韋應物	邯鄲少年行	高適
南澗中題	柳宗元	人日寄杜二拾遺	高適
二卷		登古鄴城	岑參
勝王閣	王勃	胡笳歌送顏真卿使赴河隴	岑參
		邯鄲客舍歌	岑參
		古意	李頎

夷門歌	王維	幸蜀西至劍門	玄宗
答張五弟溼	王維	秋思	李白
孟門行	崔顥	送友人入蜀	李白
湖中對酒作	張謂	秋登宣城謝眺北樓	李白
春江花月夜	張若虛	臨洞庭	孟浩然
長安古意	盧照鄰	題義公禪房	孟浩然
帝京篇	駱賓王	終南山	王維
三卷		過香積寺	王維
野望	王績	送劉司直赴安西	王維
晚次樂鄉縣	陳子昂	送刑桂州	王維
送別崔著作東征	陳子昂	使至塞上	王維
和晉陵陸丞相早春遊望	杜審言	送鄭侍御謫閩中	王維
送崔融	杜審言	登袁州城樓	杜甫
送沙門弘景道俊玄莊還荊州	杜審言	春宿左省	杜甫
應制	宋之問	送遠	杜甫
幽州夜飲	張說	禹廟	杜甫
宿雲門寺閣	孫逖	旅夜書懷	杜甫

松下燕州郭宿雨濕不得上岸	杜甫	早發始興江口至盧氏郵作	宋之問
別王十二判官	杜甫	奉和聖製途經華嶽	張說
登岳陽樓	杜甫	奉和聖製早發蒲關	張九齡
次北固山下	王灣	和許給事直夜簡諸公	張九齡
宿龍興寺	寒母潛	奉和聖製暮春送朝集使歸郡	王維
破山寺後禪院	常建	應制	王維
渡楊子江	丁仙芝	送李太守赴上洛	王維
聞笛	張巡	送秘書晁監還日本	王維
穆陵關北逢人歸漁陽	劉長卿	送儲邕之武昌	李白
聖果寺	釋處默	陪張丞相自松滋江東泊渚宮	孟浩然
四卷		送柴司戶充劉卿判官之嶺外	高適
靈隱寺	駱賓王	重經昭陵	杜甫
白帝懷古	陳子昂	春歸	杜甫
峴山懷古	陳子昂	奉觀嚴鄭公廳事岷山施江圖	杜甫
酬蘇員外味玄夏晚寓直省中		冬日洛城北謁玄元皇帝廟	杜甫
見贈	沈佺期	清明宴司勳劉郎中別業	祖詠
奉和幸長安故城未央宮應制	宋之問	早秋與諸子登瓠州亭觀眺	岑參

送鄭說之鄆州謁薛侍御	劉長卿	酌酒與裴迪	王維
五卷	沈佺期	過乘如禪師蕭居士嵩丘蘭若	王維
古意	沈佺期	送魏萬之京	李頎
紅樓院應制	沈佺期	題荳公山池	李頎
侍宴安樂公主新宅應制	蘇頲	宿荳公禪房聞梵	李頎
邁湖山寺	張說	望薊門	祖詠
遙同蔡起偃松篇	張說	九日登仙臺呈劉明府	崔署
奉和初春幸太平公主南莊應制	李頎	送李少府貶峽中王少府貶長沙	高適
黃鶴樓	崔顥	和賈至舍人早朝大明宮之作	岑參
行經華陰	崔顥	和祠部王員外雪後早朝即事	岑參
登金陵鳳凰臺	李白	萬歲樓	王昌齡
早朝大明宮呈兩省僚友	賈至	題張氏隱居	杜甫
和賈至舍人早朝大明宮之作	王維	野望	杜甫
和太常韋主簿五郎溫泉寓目	王維	登樓	杜甫
奉和聖制從蓬萊向興慶閣道	王維	秋興四首	杜甫
中留春雨中春望之作應制	王維	九日登高	杜甫

闕下贈裴舍人	錢起	秋浦歌	李白
自鞏洛舟行入黃河即事寄府縣僚友	章應物	獨坐敬亭山	李白
贈錢起秋夜宿靈臺寺見寄	郎士元	襄陽曲	李白
鹽州過胡兒飲馬泉	李益	臨高臺	王維
登柳州城樓寄漳汀封連四州刺史	柳宗元	雜詩	王維
左遷到藍關示姪孫湘	韓愈	鹿柴	王維
六卷	韓愈	竹里館	王維
題袁氏別業	賀知章	送朱大入秦	孟浩然
夜送趙縱	楊炯	春曉	孟浩然
易水送別	賈賈王	洛陽道獻呂四郎中	儲光義
南樓望	盧僊	關山月	儲光義
照鏡見白髮	張九齡	答武陵田太守	王昌齡
同洛陽李少府觀永樂公主入蕃	孫逖	孟城柳	裴迪
靜夜思	李白	鹿柴	裴迪
		絕句	杜甫
		詠史	高適
		見謂水思秦川	岑參

登鶴鵲樓	王之渙	蜀中九日	王勃
罷相作	祖詠	渡湘江	杜審言
左掖梨花	丘爲	卽山	沈佺期
平蕃曲	劉長卿	送司馬道士遊天台	宋之問
逢俠者	錢起	送梁六	張說
江行	錢起	回鄉	賀知章
秋夜寄立二十二員外	韋應物	涼州詞	王翰
聞雁	韋應物	隴西行	陳陶
秋日	耿湜	清平調	李白
三閭廟	戴叔倫	峨眉山月歌	李白
秋風引	劉禹錫	上皇西巡南京歌	李白
尋隱者不遇	賈島	聞王昌齡左遷龍標尉遙有此寄	李白
宮中	文宗	陪族叔刑部侍郎擘及中書舍人賈至遊	李白
勸酒	于武陵	洞庭湖	李白
題慈恩寺塔	荆叔	望天門山	李白
答人	太上隱者	早發白帝城	李白
七卷			

蘇臺賢古	李白	庭湖	賈至
越中懷古	李白	首蓓峯寄家人	岑參
與史郎中欽聽黃鶴樓上吹笛	李白	玉關寄長安李王簿	岑參
春宮曲	王昌齡	逢入京使	岑參
西宮春怨	王昌齡	磧中作	岑參
西宮秋怨	王昌齡	虢州後亭送李判官使赴晉州	岑參
閨怨	王昌齡	送劉判官赴磧西	岑參
出塞行	王昌齡	山房春事	岑參
從軍行二首	王昌齡	寄孫山人	儲光義
芙蓉樓送辛漸	王昌齡	贈花卿	杜甫
少年行	王維	解悶	杜甫
九月九日憶山中兄弟	王維	塞下曲	常建
與盧員外象過崔居士興宗林亭	王維	三日尋李九莊	常建
送韋評事	王維	塞土聞吹笛	高適
西亭春望	賈至	寄韓鵬	李頎
初至巴陵與李十二白同泛洞	賈至	題長安主人壁	張謂
		江南行	張湖

春行	李華	漢宮詞	李商隱
歸雁	錢起	夜雨寄北	李商隱
登樓	韋應物	楊柳枝	溫庭筠
宿石邑山中	韓翃	經汾陽舊宅	趙嘏
宿昭應	顧況	邊詞	張敬忠
詐河曲	李益	秋思	許渾
夜上受降城聞笛	李益	退朝望終南山	李拯
從軍杜征	李益	折楊柳	段成式
楊柳枝詞	劉禹錫	宿疎陂驛	王周
與歌者何戡	劉禹錫	塞下曲	釋皓然
涼州詞	張藉	僧院	釋靈一
十五夜	王建		
塞下曲二首	張仲素		
酬浩初上人欲登仙人山見臨	柳宗元		
聞白樂天左降江州司馬	元愼		
同李十一醉憶元九	白居易		
渡桑乾	賈島		

唐詩選鈔本一卷

明濟南李攀龍原選
大日本釋清潭鈔本

五言古

述懷

中原還逐鹿。投筆事從軒。縱橫計不就。慷慨志猶存。
 杖策謁天子。驅馬出關門。請纓繫南越。憑軾下東藩。
 鬱紆陟高岫。出沒望平原。古木鳴寒鳥。空山啼夜猿。
 旣傷千里目。還驚九折魂。豈不憚艱險。深懷國士恩。
 季布無二諾。侯嬴重一言。人生感意氣。功名誰復論。

魏徵

魏徵。字玄成。魏州曲城人。初為隱太子洗馬。後事太宗至秘書監。參預朝政。封鄭國公。諡曰文貞。

感遇

張九齡

孤鴻海上來。池潢不敢顧。側見雙翠鳥。巢在三珠樹。
矯矯珍木巖。得無金丸懼。美服患人指。高明逼神惡。
今我遊冥冥。弋者何所慕。

張九齡。字子壽。韶州曲江人。七歲知屬文。玄宗朝為相。以直道黜。唯文史自娛。諡文獻。有集廿卷。

薊丘覽古

陳子昂

南登碣石館。遙望黃金臺。丘陵盡喬木。昭王安在哉。

霸圖悵已矣。驅馬復歸來。

陳子昂。字伯玉。梓州射洪人。武后稱帝改周。子昂上周受命頌。數召問政。後為縣令段簡所害。

子夜吳歌

李白

長安一片月。萬戶搗衣聲。秋風吹不盡。總是玉關情。
何日平胡虜。良人罷遠征。

經下邳圯橋懷張子房

子房未虎嘯。破產不為家。滄海得壯士。椎秦博浪沙。
報韓雖不成。天地皆振動。潛匿遊下邳。豈曰非智勇。
我來圯橋上。懷古欽英風。唯見碧水流。曾無黃石公。

嘆息此人去。蕭條徐泗空。

李白。字太白。蜀人。母夢長庚星而生。因名之。十歲通詩書。天寶初。賀知章。言於玄宗。有詔供奉翰林。

後出塞

杜甫

朝進東門營。暮上河陽橋。落日照大旗。馬鳴風蕭蕭。
平沙列萬幕。部伍各見招。中天懸明月。令嚴夜寂寥。
悲茄數聲動。壯士慘不驕。借問大將誰。恐是霍嫫姚。

玉華宮

溪回松風長。蒼鼠竄古瓦。不知何王殿。遺構絕壁下。
陰房鬼火青。壞道哀湍瀉。萬籟真笙竽。秋色正蕭灑。

美人為黃土。況乃粉黛假。當時侍金輿。故物獨石馬。
憂來藉艸坐。浩歌泪盈把。冉冉征途間。誰是長年者。

杜甫。字子美。襄陽人。舉進士不第。因奏賦三篇。玄宗使待制集賢院。肅宗立拜右拾遺。有集六十卷。

送別

王維

下馬飲君酒。問君何所之。君言不得意。歸臥南山陲。
但去莫復問。白雲無盡時。

王維。字摩詰。太原人。九歲知屬辭。開元九年。擢進士。遷尚書右丞。工草隸書畫。寧薛諸王待若師友。

西山

常建

一身爲輕舟。落日西山際。常隨去帆影。遠接長天勢。
 物象歸餘清。林巒分夕麗。亭亭碧流暗。日入孤霞繼。
 州渚遠陰映。湖雲尙明霽。林昏楚色來。岸遠荆門閉。
 至夜轉清迴。蕭蕭北風厲。沙邊雁鷺泊。宿處蒹葭蔽。
 圓月逗前浦。孤琴又搖曳。冷然夜遂深。白露沾人袂。
常建。開元進士。大曆中爲盱胎尉。有詩一卷。

宋中

高適

梁王昔全盛。賓客復多才。悠悠一千年。陳迹唯高臺。
 寂寞向秋草。悲風千里來。

高適。字達夫。滄洲人。廣德中。以左散騎常侍。封渤海侯。年五

十始爲詩卽工。卒諡曰忠。有集十卷。

與高適薛據同登慈恩寺浮圖 岑參

搶勢如湧出。孤高聳天宮。登臨出世界。磴道盤虛空。
 突兀壓神州。崢嶸如鬼工。四角礙白日。七層摩蒼穹。
 下窺指高鳥。俯聽聞驚風。連山若波濤。奔走似朝東。
 青松挾馳道。宮觀何玲瓏。秋色從西來。蒼然滿關中。
 五陵北原上。萬戶青濛濛。淨理了可悟。勝因夙所宗。
 誓將挂冠去。覺道資無窮。

岑參。南陽人。累遷侍御史。出爲嘉州刺史。退居杜陵山中。屬中原多故。卒老于蜀。有集八卷。

幽居

韋應物

貴賤雖異等。出門皆有營。獨無外物牽。遂此幽居情。
 微雨夜來過。不知春艸生。青山忽已曙。鳥雀繞舍鳴。
 時與道人偶。或隨樵者行。自當安蹇劣。誰謂薄世榮。
韋應物。長安京兆人。性高潔。為詩馳驟建安已還。各得風韻。建
 中間。除左司郎中。又尉蘇州。有集十卷。

南澗中題

柳宗元

秋氣集南澗。獨遊亭午時。回風一蕭瑟。林景久參差。
 始至若有得。稍深遂忘疲。羈禽響幽谷。寒藻舞淪漪。
 去國魂已遠。懷人泪空垂。孤生易為感。失路少所宜。

寂寞竟何事。徘徊祗自知。誰為後來者。當與此心期。

柳宗元。字子厚。河東人。舉博學宏詞科。附王叔文坐貶永州司
 戶。元和十年。貶柳州刺史。有集六十卷。

唐詩選鈔本二卷

七言古詩

滕王閣

王勃

滕王高閣臨江渚。佩玉鳴鸞罷歌舞。畫棟朝飛南浦雲。
 珠簾暮捲西山雨。閒雲潭影日悠悠。物換星移度幾秋。
 閣中帝子今何在。檻外長江空自流。

王勃。字子安。絳州人。六歲善文辭。未刀冠。沛王召署府修撰。作門雞檄文。高宗怒斥出府。後溺水卒。

公子行

劉庭芝

天津橋下陽春水。	天津橋上繁華子。	馬聲迴合青雲外。
人影搖動綠波裏。	綠波清迥玉爲砂。	青雲離披錦作霞。
可憐楊柳傷心樹。	可憐桃李斷腸花。	此日遊遊邀美女。
此時歌舞入倡家。	倡家美女鬱金香。	飛去飛來公子傍。
的的珠簾白日映。	娥娥玉顏紅粉妝。	花際徘徊雙蛺蝶。
池邊顧步兩鴛鴦。	傾國傾城漢武帝。	爲雲爲雨楚襄王。
古來容光人所羨。	況復今日遙相見。	願作輕羅著細腰。
願爲明鏡分嬌面。	與君相向轉相親。	與君雙棲共一身。
願作貞松千歲古。	誰論芳槿一朝新。	百年同謝西山日。
千秋萬古北邙塵。		

代悲白頭翁

洛陽城東桃李花。飛來飛去落誰家。洛陽女兒惜顏色。
 行逢落花長嘆息。今年花落顏色改。明年花開復誰在。
 已見松柏摧為薪。更聞桑田變成海。古人無復洛城東。
 今人還對落花風。年年歲歲花相似。歲歲年年人不同。
 寄言全盛紅顏子。應憐半死白頭翁。此翁白頭真可憐。
 伊昔紅顏美少年。公子王孫芳樹下。清歌妙舞落花前。
 光祿池臺開錦繡。將軍樓閣畫神僊。一朝臥病無相識。
 三春行樂在誰邊。宛轉蛾眉能幾時。須臾鶴髮亂如絲。
 但看古來歌舞地。唯有黃昏鳥雀悲。

劉庭芝字希夷。汝州人。善為閨帷之作。詞多古調。與時不合。落魄以卒。有詩十卷。

下山歌

宋之問

下嵩山兮多所思。攜佳人兮步遲遲。松間明月長如此。
 君再遊兮復何時。

宋之問。字延清。汾州人。偉儀貌。雄于辯。甫冠武后召直習藝館。睿宗以其狡險賜死。有集十卷。

夜歸鹿門歌

孟浩然

山寺鐘鳴晝已昏。漁梁渡頭爭渡喧。人隨沙岸向江邨。
 余亦乘舟歸鹿門。鹿門月照開煙樹。忽到龐公栖隱處。

巖扉窳徑長寂寥。唯有幽人自來去。

孟浩然。名浩，襄陽人。少好節義。喜振人患難。隱鹿門山。年四十乃遊京師。失意而還。有詩三卷。

烏夜啼

李白

黃雲城邊烏欲棲。歸飛啞啞枝上啼。機中織錦秦川女。碧紗如煙隔窗語。停梭悵然憶遠人。獨宿空房泪如雨。

烏樓曲

姑蘇臺上烏樓時。吳王宮裏醉西施。吳歌楚舞懽未畢。青山欲銜半邊日。銀箭金壺漏水多。起看秋月墜江波。東方漸高奈樂何。

江上吟

木蘭之枻沙棠舟。玉簫金管坐兩頭。美酒尊中置千斛。載妓隨波任去留。仙人有待乘黃鶴。海客無心隨白鷗。屈平詞賦懸日月。楚王臺榭空山丘。興酣落筆搖五嶽。詩成笑傲凌滄洲。功名富貴若長在。漢水亦應西北流。

兵車行

杜甫

車麟麟馬蕭蕭。行人弓箭各在腰。耶孃妻子走相送。塵埃不見咸陽橋。牽衣頓足攔道哭。哭聲直上千雲霄。道傍過者問行人。行人但云點行頻。或從十五北防河。便至四十西營田。去時里正與裹頭。歸來頭白還戍邊。

邊庭流血成海水。武皇開邊意未已。君不見漢家山東
二百州。千邨萬落生荆杞。縱有健婦把犁鋤。禾生隴
畝無東西。況復秦兵耐苦戰。被驅不異犬與雞。長者
雖有問。役夫冑申恨。且如今年冬。未休關西卒。縣
官急索租。租稅從何出。信知生男惡。反是生女好。
生女猶得嫁比鄰。生男埋沒隨百草。君不見青海頭。
古來白骨無人收。新鬼煩冤舊鬼哭。天陰雨濕聲啾啾

短歌行贈王郎司直

王郎酒酣拔劍斫地歌莫哀。我能拔爾抑塞磊落之奇才。
豫章翻風白日動。鯨魚跋浪滄溟開。且脫劍佩休徘徊。
西得諸侯棹錦水。欲向何門跋珠履。仲宣樓頭春色深。
青眼高歌望吾子。眼中之人吾老矣。

飲中八仙歌

知章騎馬似乘船。眼花落井水底眠。汝陽三斗始朝天。
道逢麴車口流涎。恨不移封向酒泉。左相日興費萬錢。
飲如長鯨吸百川。銜盃樂聖稱避賢。宗之蕭灑美少年。
舉觴白眼望青天。皓如玉樹臨風前。蘇晉長齋繡佛前。
醉中往往愛逃禪。李白一斗詩百篇。長安市上酒家眠。
天子呼來不上船。自稱臣是酒中仙。張旭三盃草聖傳。
脫帽露頂王公前。揮毫落紙如雲煙。焦遂五斗方卓然。

高談雄辯驚四筵。

哀江頭

少陵野老吞聲哭。春日潛行曲江曲。江頭宮殿鎖千門。
細柳新蒲爲誰綠。憶昔霓旌下南苑。苑中萬物生顏色。
昭陽殿裏第一人。同輦隨君侍君側。簾前才人帶弓箭。
白馬嚼嚼黃金勒。翻身向天仰射雲。一箭正墜雙飛翼。
明眸皓齒今何在。血污游魂歸不得。清渭東流劍閣深。
去住彼此無消息。人生有情淚沾臆。江水江花豈終極。
黃昏胡騎塵滿城。欲往城南忘南北。

韋諷錄事宅觀曹將軍畫馬圖引。

國初以來畫鞍馬。神妙獨數江都王。將軍得名三十載。
人間又見真乘黃。曾貌先帝照夜白。龍池十日飛霹靂。
內府殷紅瑪瑙盤。婕妤傳詔才人索。盤賜將軍拜舞歸。
輕紈細綺相追飛。貴戚權門得筆跡。始覺屏障生光輝。
昔日太宗拳毛騮。近時郭家師子花。今之新圖有二馬。
復令識者久嘆嗟。此皆騎戰一敵萬。縞素漠漠開風沙。
其餘七匹亦殊絕。迥若寒空動煙雪。霜蹄蹴踏長楸間。
馬官厠養森成列。可憐九馬爭神駿。顧視清高氣深穩。
借問苦心愛者誰。後有韋諷前支遁。憶昔巡幸新豐宮。
翠華拂天來向東。騰騰磊落三萬疋。皆與此圖筋骨同。

自從獻寶朝河宗。無復射蛟江水中。君不見金粟堆前松柏裏。龍媒去盡鳥呼風。

邯鄲少年行

高適

邯鄲城南游俠子。自矜生長邯鄲裏。千場縱博家仍富。幾處報讐身不死。宅中歌笑日紛紛。門外車馬如雲屯。未知肝膽向誰是。令人却憶平原君。君不見今日交態薄。黃金用盡還疏索。以茲感嘆辭舊游。愛於時事無所求。且與少年飲美酒。往來射獵西山頭。

人日寄杜二拾遺

人日題詩寄草堂。遙憐故人思故鄉。柳條弄色不忍見。

梅花滿枝空斷腸。身在南藩無所預。心懷百憂復千慮。今年人日空相憶。明年人日知何處。一臥東山三十春。豈知書卷老風塵。龍鍾還忝二千石。媿爾東西南北人。

登古鄴城

岑參

下馬登鄴城。城空復何見。東風吹野火。暮入飛雲殿。城隅南對望陵臺。漳水東流不復回。武帝宮中人去盡。年年春色爲誰來。

胡笳歌送顏真卿使赴河隴

君不聞胡笳聲最悲。紫髯綠眼胡人吹。吹之一曲猶未了。愁殺樓蘭征戍兒。涼秋八月蕭關道。北風吹斷天山草。

崑崙山南月欲斜。胡人向月吹胡笳。胡笳怨兮將送君。
秦山遙望隴山雲。邊城夜夜多愁夢。向月胡笳誰喜聞。

邯鄲客舍歌

客從長安來。驅馬邯鄲道。傷心叢臺下。一旦生蔓草。
客舍門臨漳水邊。垂楊下繫釣魚船。邯鄲女兒夜沽酒。
對客桃燈誇數錢。酩酊醉時日正午。一曲狂歌壚上眠。

古意

男兒事長征。少小幽燕客。賭勝馬蹄下。由來輕七尺。
殺人莫敢前。鬚如蝟毛磔。黃雲隴底白雪飛。未得報
不能歸。遼東小婦年十五。慣彈琵琶解歌舞。今爲羌笛

出塞聲。使我三軍泪如雨。

李頎。東川人。開元十三年進士。調新鄉縣尉。有集傳于世。

夷門歌

王維

七國雄雌猶未分。攻城殺將何紛紛。秦兵益圍邯鄲急。
魏王不救平原君。公子爲嬴停駟馬。執轡愈恭意愈下。
亥爲屠肆鼓刀人。嬴乃夷門抱關者。非但慷慨獻奇謀。
意氣兼將身命酬。向風刎頸送公子。七十老翁何所求。

答張五弟諷

終南有茅屋。前對終南山。終年無客長閉關。終日無
心長自閒。不妨飲酒復垂釣。君但能來相往還。

孟門行

崔顥

黃雀銜黃花。翩翩傍簷隙。本擬報君恩。如何反彈射。
 金罍美酒滿座春。平原愛才多衆賓。滿堂盡是忠義士。
 何意得有讒謾人。諛言反復那可道。能令君心不自保。
 北園新栽桃李枝。根株未固何轉移。成陰結實君自取。
 若問傍人那得知。

崔顥。卞州人。開元十一年進士。才俊無行。終司勳員外郎。

湖中對酒作

張謂

夜坐不厭湖上月。晝行不厭湖上山。眼前一尊又長滿。
 心中萬事如等閒。主人有黍萬餘石。濁醪數斗應不惜。

卽今相對不盡懽。別後相思復何益。茱萸灣頭歸路賒。
 願君且宿黃公家。風光若此人不醉。參差孤負東園花。

張謂字正言。河南人。天寶進士。爲禮部侍郎。

春光花月夜

張若虛

春江潮水連海平。海上明月共潮生。滌滌隨波千萬里。
 何處春江無月明。江流宛轉達芳甸。月照花林皆似霰。
 空裏流霜不覺飛。江上白沙看不見。江天一色無纖塵。
 皎皎空中孤月輪。江畔何人初見月。江月何年初照人。
 人生代代無窮已。江月年年望相似。不知江月照何人。
 但見長江送流水。白雲一片去悠悠。青楓浦上不勝愁。

誰家今夜扁舟客。何處相思明月樓。可憐樓上月徘徊。
 應照離人妝鏡臺。玉戶簾中捲不去。擣衣砧上拂還來。
 此時相望不相聞。願逐月華流照君。鴻雁長飛光不度。
 魚龍潛躍水成文。昨夜閒潭夢落花。可憐春半不還家。
 江水流春去欲盡。江潭落月復西斜。斜月沈沈藏海霧。
 碣石瀟湘無限路。不知乘月幾人歸。落月搖情滿江樹。

張若虛。開元初人與包融。賀知章。張旭。號吳中四士。

長安古意

盧照鄰

長安大道連狹斜。青牛白馬七香車。玉輦縱橫過主第。
 金鞍絡繹向侯家。龍銜寶蓋承朝日。鳳吐流蘇帶晚霞。

百丈游絲爭繞樹。一羣嬌鳥共啼花。遊蜂戲蝶千門側。
 碧樹銀臺萬種色。複道交牕作合驩。雙闕連蔓垂鳳翼。
 梁家畫閣天中起。漢帝金莖雲外直。樓前相望不相知。
 陌上相逢詎相識。借問吹簫向紫煙。曾經學舞度芳年。
 得成比目何辭死。願作鴛鴦不羨仙。比目鴛鴦真可羨。
 雙去雙來君不見。生憎帳額繡孤鸞。好取閤簾帖雙燕。
 雙燕雙飛繞畫梁。羅幃翠被鬱金香。片片香雲着蟬髻。
 纖纖初月上鴉黃。鴉黃粉白車中出。含嬌含態情非一。
 妖童寶馬鐵連錢。倡婦盤龍金屈膝。御史府中烏夜啼。
 廷尉門前雀欲棲。隱隱朱城臨玉道。遙遙翠幃沒金堤。

挾彈飛鷹杜陵北。探丸借客渭橋西。俱邀俠容芙蓉劍。
共宿倡家桃李蹊。倡家日暮紫羅裙。清歌一轉口氤氳。
北堂夜夜人如月。南陌朝朝騎似雲。南陌北堂連北里。
五劇三條控三市。弱柳青槐拂地垂。佳氣紅塵暗天起。
漢代金吾千騎來。翡翠屠蘇鸚鵡杯。羅襦寶帶爲君解。
燕歌趙舞爲君開。別有豪華稱將相。轉日回天不相讓。
意氣由來排灌夫。專權判不容蕭相。專權意氣本豪雄。
青虬紫燕坐生風。自言歌舞長千載。自謂驕奢凌五公。
節物風光不相待。桑田碧海須臾改。昔時金階白玉堂。
只今唯有青松在。寂寂寥寥楊子居。年年歲歲一牀書。

獨有南山桂花發。飛來飛去襲人裾。

廬照鄰。子昇之。范陽人。調鄆王府典籤。王愛重之。武后時遭廢。著五悲文以自明。疾不愈沈水死。

帝京篇

駱賓王

山河千里國。城闕九重門。不覩皇居壯。安知天子尊。
皇居帝里嶠函谷。郭野龍山侯甸服。五緯連影集星躔。
八水分流橫地軸。秦塞重關一百二。漢家離宮三十六。
桂殿陰岑對玉樓。椒房窈窕連金屋。三條九陌麗城隈。
萬戶千門平坦開。複道斜通鳩鵲觀。高衢直指鳳凰臺。
劔履南宮入。簪纓玉闕來。聲明冠寰宇。文物象昭回。

鈞陳肅蘭記。辟沼浮槐市。銅羽應風迴。金莖承露起。
校文天祿閣。習戰昆明水。朱邸抗平臺。黃扉通戚里。
平臺戚里帶崇墉。炊金饌玉待鳴鐘。小堂綺帳三千戶。
大道青樓十二重。寶蓋彫鞍金絡馬。蘭窗繡柱玉板龍。
繡柱璇題粉壁映。鏘金鳴玉王侯盛。王侯貴人多近臣。
朝遊北里暮南鄰。陸賈分金將燕喜。陳遵投轄尙留賓。
趙李經過密。蕭朱交結親。丹鳳朱城白日暮。青牛紺
幘紅塵度。俠客珠彈垂楊道。倡婦銀鈎採桑路。倡家桃
李自芳菲。京華遊俠盛輕肥。延年女弟雙飛入。羅敷使
君千騎歸。同心結縷帶。連理織成衣。春朝桂樽樽百

味。秋夜蘭燈燈九微。翠幌珠簾不獨映。清歌寶瑟自相
依。且論三萬六千是。寧知四十九年非。古來名利若浮
雲。人生倚伏信難分。始見田竇相移奪。俄聞衛霍有功
勳。未厭金陵氣。先開石槨文。朱門無復張公子。灞
亭誰畏李將軍。相顧百齡皆有待。居然萬化咸應改。
桂枝芳氣已銷亡。栢梁高宴今何在。春去春來若自馳。
爭名爭利徒爾爲。久留郎署終難遇。空掃相門誰見知。
當時一旦擅繁華。自言千載長驕奢。倏忽搏風生羽翼。
須臾失浪委泥沙。黃雀徒巢柱。青門遂種瓜。黃金銷鑠
素絲變。一貴一賤交情見。紅顏宿昔白頭新。脫粟布衣

輕故人。故人有湮淪。新知無意氣。灰死韓安國。羅傷
翟廷尉。已矣哉歸去來。馬卿辭蜀多文藻。楊雄仕漢乏
良媒。三冬自矜誠足用。十年不調幾遭迴。汲黯薪逾積。
孫弘閣未開。誰惜長沙傅。獨負洛陽才。

駱賓王。義烏人。七歲能賦詩。武后時除南海丞。棄官去。徐敬業
起兵。署為府屬及徐敗。亡命去。

唐詩選鈔本三卷

五言律

野望

王績

東臯薄暮望。徙倚欲何依。樹樹皆秋色。山山唯落暉。
牧人驅犢返。獵馬帶禽歸。相顧無相識。長歌懷采薇。
王績。字無功。絳州人。王通之弟。自號東臯子。唐武德初。待詔
門下省。性嗜酒。著五斗先生傳。

晚次樂鄉縣

陳子昂

故鄉杳無際。日暮且孤征。川原迷舊國。道路入邊城。

野戍荒煙斷。深山古木平。如何此時恨。嗷嗷夜猿鳴。

送別崔著作東征

金天方肅殺。白露始專征。王師非樂戰。之子慎佳兵。
海氣侵南部。邊風掃北平。莫賣盧龍塞。歸邀麟閣名。

和晉陵陸丞相早春遊望

杜審言

獨有宦遊人。偏驚物候新。雲霞出海曙。梅柳度江春。
淑氣催黃鳥。晴光轉綠蘋。忽聞歌古調。歸思欲霑巾。

送崔融

君王行出將。書記遠從征。祖帳連河闕。軍麾動洛城。
旌旗朝朔氣。笳吹夜邊聲。坐覺煙塵掃。秋風古木平。

杜審言。字必簡。襄陽人。為濕城尉。恃才高以傲世見疾。與李嶠、崔融、蘇味道。為文學四友。有集十卷。

送沙門弘景道俊立莊還荊州應制

宋之問

三乘歸淨域。萬騎餞通莊。就日離亭近。彌天別路長。
荊南旋杖鉢。渭北限津梁。何日紆真果。還來入帝鄉。

幽州夜飲

張說

涼風吹夜雨。蕭瑟動寒林。正有高堂宴。能忘遲暮心。
軍中宜劒舞。塞上重笳音。不作邊城將。誰知恩遇深。

張說。字道濟。或字悅之。武后至元宗。歷中書令。封燕國公。終

左丞相開府儀同三司。諡文貞。

宿雲門寺閣

孫逖

香閣東山下。煙花象外幽。縣燈千嶂夕。捲幔五湖秋。
畫壁餘鴻雁。紗牕宿斗牛。覆疑天路近。夢與白雲遊。

孫逖。博州人。屬思警敏。開元十年。舉賢良方正。為乘賢修撰。遷中書舍人。有集十二卷。

幸蜀西至劍門

玄宗

劍閣橫雲峻。鑾輿出狩回。翠屏千仞合。丹嶂五丁開。
灌木繁旌轉。仙雲拂馬來。乘時方在德。嗟爾勒銘才。

玄宗。諱隆基。睿宗子。在位四十四年。開元間。海內平寧。天寶

後有祿山亂。出奔于蜀。

秋思

李白

燕支黃葉落。妾望自登臺。海上碧雲斷。單于秋色來。
胡兵沙塞合。漢使玉關回。征客無歸日。空悲蕙艸摧。

送友人入蜀

見說蠶叢路。崎嶇不易行。山從人面起。雲傍馬頭生。
芳樹籠秦棧。春流繞蜀城。升沈應已定。不必問君平。

秋登宣城謝眺北樓

江城如畫裏。山曉望晴空。兩水夾明鏡。雙橋落彩虹。
人煙寒橘柚。秋色老梧桐。誰念北樓上。臨風懷謝公。

臨洞庭

孟浩然

八月湖水平。涵虛混太清。氣蒸雲夢澤。波撼岳陽城。
欲濟無舟楫。端居耻聖明。坐觀垂釣者。徒有羨魚情。

題義公禪房

義公習禪寂。結宇依空林。戶外一峰秀。階前衆壑深。
夕陽連雨足。空翠落庭陰。看取蓮花淨。方知不染心。

終南山

王維

太乙近天都。連山到海隅。白雲迴望合。青靄入看無。
分野中峯變。陰晴衆壑殊。欲投人處宿。隔水問樵夫。

過香積寺

不知香積寺。數里入雲峰。古木無人徑。深山何處鐘。
泉聲咽危石。日色冷青松。薄暮空潭曲。安禪制毒龍。

送劉司直赴安西

絕域陽關道。胡煙與塞塵。三春時有雁。萬里少行人。
首蓓隨天馬。葡萄逐漢臣。當令外國懼。不肖竟和親。

送邢桂州

鏡吹喧京口。風波下洞庭。赭圻將赤岸。擊汰復揚舲。
日落江湖白。潮來天地青。明珠歸合浦。應逐使臣星。

使至塞上

單車欲問邊。屬國過居延。征蓬出漢塞。歸雁入胡天。

大漠孤煙直。長河落日圓。蕭關逢候騎。都護在燕然。

送張子尉南海

岑參

不擇南洲尉。高堂有老親。樓臺重蜃氣。邑里集鯨人。
海暗三山雨。花明五嶺春。此鄉多寶玉。慎勿厭清貧。

寄左省杜拾遺

聯步趨丹陛。分曹限紫薇。曉隨天仗入。暮惹御香歸。
白髮悲花落。青雲羨鳥飛。聖朝無闕事。自覺諫書稀。

使青夷軍入居庸

高適

匹馬行將夕。征途去轉難。不知邊地別。祗訝客衣單。
溪冷泉聲苦。山空木葉乾。莫言關塞極。雨雪尚漫漫。

送鄭侍御謫闕中

謫去君無恨。闕中我舊過。大都秋雁少。只是夜猿多。
東路雲山合。南天瘴癘和。自當逢雨露。行矢慎風波。

登袁州城樓

杜甫

東郡趨庭日。南樓縱目初。浮雲連海岱。平野入青徐。
孤嶂秦碑在。荒城魯殿餘。從來多古意。臨眺獨躊躇。

春宿左省

花隱掖垣暮。啾啾棲鳥過。星臨萬戶動。月傍九霄多。
不寢聽金鑰。因風想玉珂。明朝有封事。數問夜如何。

送遠

帶甲滿天地。胡爲君遠行。親朋盡一哭。鞍馬去孤城。
草木歲月晚。關河霜雪清。別離已昨日。因見古人情。

禹廟

禹廟空山裏。秋風落日斜。荒庭垂橘柚。古壁畫龍蛇。
雲氣生虛壁。江聲走白沙。早知乘四載。疏鑿控三巴。

旅夜書懷

細草微風岸。危檣獨夜舟。星隨平野闊。月傍大江流。
名豈文章著。官因老病休。飄飄何所似。天地一沙鷗。

船下夔州郭宿。雲濕不得上岸。別王十二判官

依沙宿舸船。石瀨月娟娟。風起春燈亂。江鳴夜雨懸。

晨鐘雲外濕。勝地石堂煙。柔艫輕鷗外。含淒覺汝賢。

登岳陽樓

昔聞洞庭水。今上岳陽樓。吳楚東南坼。乾坤日夜浮。
親朋無一字。老病有孤舟。戎馬關山北。憑軒涕泗流。

次北固山下

王灣

客路青山外。行舟綠水前。潮平兩岸闊。風正一帆懸。
海日生殘夜。江春入舊年。鄉書何處達。歸雁洛陽邊。

王灣洛陽人。開元初爲洛陽尉。

宿龍興寺

綦母潛

香剎夜忘歸。松清古殿扉。燈明方丈室。珠繫比丘衣。

白日傳心淨。青蓮喻法微。天花落不盡。處處鳥啣飛。
纂母潛。字季通。荆南人。開元十四年進士。由宜壽縣尉。入為集賢待詔。終著作郎。有集一卷。

破山寺後禪院

常建

清晨入古寺。初日照高林。曲徑通幽處。禪房花木深。
山光悅鳥性。潭影空人心。萬籟此俱寂。唯聞鐘磬音。

渡楊子江

丁仙芝

桂楫中流望。空波兩岸明。林開楊子驛。山出潤州城。
海盡邊音靜。江寒朔吹生。夏聞楓葉下。浙瀝度秋聲。

丁仙芝。曲河人。官至餘杭尉。

聞笛

張巡

岩嶽試一臨。虜騎附城陰。不辨風塵色。安知天地心。
門開邊月近。戰苦陣雲深。旦夕戛樓上。遙聞橫笛音。
張巡。鄆洲人。長七尺。鬚髯每怒盡張。讀書不過三復。終身不忘。為文章。不立藁。祿山反。死節睢陽。

穆陵關北逢人歸漁陽

劉長卿

逢君穆陵路。匹馬向桑乾。楚國蒼山古。幽州白日寒。
城池百戰後。耆舊幾家殘。處處逢蒿徧。歸人掩淚看。
劉長卿。字文房。河間人。至德中為轉運使。吳仲儒誣奏。貶南巴尉。後除睦洲司馬卒。有集十卷。

聖果寺

釋處默

路自中峰上。盤回出薜蘿。到江吳地盡。隔岸越山多。
 古木叢青靄。遙天浸白波。下方城郭近。鐘磬雜笙歌。
處默。越中人。羅隱同時人。有詩一卷。

唐詩選鈔本四卷

五言排律

靈隱寺

駱賓王

鷲嶺鬱岿峩。龍宮鎖寂寥。樓觀滄海日。門聽浙江潮。
 桂子月中落。天香雲外飄。捫蘿登嶺遠。剡木取泉遙。
 霜薄花更發。冰輕葉未凋。夙齡尙遐異。披對滌煩囂。
 待入天台路。看余度石橋。

白帝懷古

陳子昂

日落滄江晚。停橈問土風。城臨巴子國。臺沒漢王宮。
荒服仍周甸。深山尚禹功。巖懸青壁斷。地險碧流通。
古木生雲際。歸帆出霧中。川途去無限。客思坐何窮。

峴山懷古

秣馬臨荒甸。登高覽舊都。猶悲隨淚碣。尙想臥龍圖。
城邑遙分楚。山川半入吳。丘陵徒自出。賢聖幾凋枯。
野樹蒼煙斷。津樓晚氣孤。誰知萬里客。懷古正踟蹰。

酬蘇員外味玄夏晚寓直省中見贈

沈佺期

並命登仙閣。通宵直禮闈。大宮供宿膳。侍史護朝衣。

卷幔天河入。開牕月露微。小池殘暑退。高樹早涼歸。
冠劍無時釋。軒車待漏飛。明朝題漢柱。三署有光輝。

沈佺期。字雲卿相州內黃人。武后朝。爲考功郎。中宗立。召拜修文館學生卒。有集十卷。

奉和幸長安故城未央宮應制 宋之問

漢皇未息戰。蕭相乃營宮。壯麗一朝盡。威靈千載空。
王命悵前跡。置酒宴羣公。寒輕綵仗外。春發幔城中。
樂思廻斜日。歌詞繼大風。今朝天子貴。不假叔孫通。

早發始興江口至虛氏邸作

候曉踰閩嶂。乘春望越臺。宿雲鵬際落。殘月蚌中開。

薜荔搖青氣。桃榔翳碧苔。桂香多露裊。石響紉泉回。
 抱葉玄猿嘯。銜花翡翠來。南中雖可悅。北思日悠哉。
 髮髮俄成素。丹心已作灰。何當首歸路。行剪故園萊。

奉和聖製途經華嶽

張說

西嶽鎮皇京。中峰入太清。玉鑾重嶺應。緹騎薄雲迎。
 白日懸高掌。寒空映削成。軒遊會神處。漢幸望仙情。
 舊廟青林古。新碑綠字生。羣臣願封岱。迴駕勒鴻名。

奉和聖製早度蒲關

張九齡

魏武中流處。軒皇問道迴。長堤春樹發。高掌曙雲開。
 龍負王舟渡。人占仙氣來。河津會日月。天仗役風雷。

東顧重關盡。西馳萬國陪。還聞股肱郡。元首詠康哉。

和許給事直夜簡諸公

未央鐘漏晚。仙宇藹沈沈。武衛千盧合。嚴扃萬古深。
 左掖知天近。南牕見月臨。樹搖金掌露。庭接玉樓陰。
 他日聞夔直。中宵屬所欽。聲華大國寶。夙夜侍臣心。
 逸興乘高閣。雄飛在禁林。寧思竊抃者。情發為知音。

奉和聖製暮春送朝集使歸郡應制

王維

萬國仰宗周。衣冠拜冕旒。玉乘迎大客。金節送諸侯。
 祖席傾三省。褰帷向九州。楊花飛上路。槐色蔭通溝。

來預鈞天樂。歸分漢主憂。宸章類河漢。垂象滿中州。

送李太守赴上洛

南山包楚鄧。積翠藹沈沈。驛路飛泉灑。關門落照深。
野花開古戍。行客響空林。板屋春多雨。山城晝欲陰。
丹泉通號略。白羽抵荆岑。若見西山爽。應知黃綺心。

送秘書晁監還日本

積水不可極。安知滄海東。九州何處遠。萬里若乘空。
向國唯看日。歸帆但信風。鰲身映天黑。魚眼射波紅。
鄉樹扶桑外。主人孤島中。另離方異域。音信若爲通。

送儲邕之武昌

李白

黃鶴西樓月。長江萬里情。春風三十度。空憶武昌城。
送爾難爲別。嗚孟惜未傾。湖連張樂地。山逐泛舟行。
諾謂楚人重。詩傳謝眺清。滄浪吾有曲。寄入權歌聲。

陪張丞相自松滋江東泊渚宮

孟浩然

放溜下松滋。登舟命楫師。詎忘經濟日。不憚沍寒時。
洗幘豈猶古。濯纓良在茲。政成人自理。機息鳥無疑。
雲物吟孤嶼。江山辨四維。晚來風稍緊。冬至日行遲。
獵響驚雲夢。漁歌激楚辭。渚宮何處是。川暝欲安之。

送柴司戶充劉卿判官之嶺外高適

嶺外資雄鎮。朝端寵節旄。月卿臨幕府。星使出詞曹。
海對羊城闊。山連象郡高。風霜驅瘴癘。忠信涉波濤。
別恨隨流水。交情脫寶刀。有才無不適。行矣莫徒勞。

重經昭陵

杜甫

草味英雄起。謳歌曆數歸。風塵三尺劍。社稷一戎衣。
翼亮真文德。丕承戢武威。聖圖天廣大。宗祀日光輝。
陵寢盤空曲。熊罷守翠微。再窺松柏路。還見五雲飛。

春歸

苔徑臨江竹。茅簷覆地花。別來頻甲子。歸到忽春華。
倚杖看孤石。傾壺就淺沙。遠鷗浮水靜。輕燕受風斜。

世路雖多梗。吾生亦有涯。此身醒復醉。乘興即為家。

奉觀嚴鄭公廳事岷山沱江圖

杜甫

沱水臨中座。岷山赴北堂。白波吹粉壁。青嶂挿彫梁。
直訝松杉冷。兼疑菱荇香。雪雲虛點綴。沙草得微茫。
嶺雁隨毫末。川霓飲練光。霏紅洲蕊亂。拂黛石蘿長。
暗谷非關雨。丹楓不為霜。秋城立圃外。景物洞庭傍。
繪事功殊絕。幽襟興激昂。從來謝太傅。丘壑道難忘。

冬日洛城北謁玄元皇帝廟

配極玄都闕。憑高禁禦長。守祧嚴具禮。掌節鎮非常。

碧瓦初寒外。金莖一氣傍。山河扶繡戶。日月近彫梁。
 仙李盤根大。猗蘭奕葉光。世家遺舊史。道德付今王。
 畫手看前輩。吳生遠擅場。森羅移地軸。妙絕動宮牆。
 五聖聯龍袞。千官列雁行。冕旒俱秀發。旌旆盡飛揚。
 翠栢深留景。紅梨迴得霜。風箏吹玉柱。露井凍銀牀。
 身退卑周室。經傳拱漢皇。谷神如不死。養拙更何鄉。
 清明宴司勳劉郎中別業
 祖詠
 田家復近臣。行樂不違親。霽日園林好。清明煙火新。
 以文常會友。惟德自成鄰。池照牕陰晚。杯香藥味春。
 欄前花覆地。竹外鳥窺人。何必桃源裏。深居作隱淪。

祖詠洛陽人。開元十三年進士。張說引為駕部員外郎。集一卷

早秋與諸子登隰州亭觀

岑參

亭高出鳥外。客到與雲齊。樹點千家小。天圍萬嶺低。
 殘虹挂陝北。急雨過關西。酒榼緣青壁。瓜田傍綠溪。
 微官何足道。愛客且相攜。唯有鄉園處。依依望不迷。

送鄭說之歙州謁薛侍御

劉長卿

漂泊來千里。謳歌滿百城。漢家尊太守。魯國重諸生。
 俗變人難理。江傳水至清。船經危石住。路入亂山行。
 老得滄州趣。春傷白首情。嘗聞馬南郡。門下有康成。

劉長卿。字文房。河間人。至德中為轉運使吳仲儒誣奏貶南巴尉。

後除睦州司馬卒。有集十卷。

唐詩選鈔本五卷

七言律

古意

沈佺期

盧家少婦鬱金香。	海燕雙棲玳瑁梁。	九月寒砧催木葉。
十年征戍憶遼陽。	白狼河北音書斷。	丹鳳城南秋夜長。
誰爲含愁獨不見。	夏教明月照流黃。	

紅樓院應制

紅樓疑見白毫光。	寺逼宸居福盛唐。	支遁愛山情漫切。
曇摩泛海路空長。	經聲夜息聞天語。	爐氣晨飄接御香。

誰謂此中難可到。自憐深院得徊翔。

侍宴安樂公主新宅應制

蘇頲

駸駸羽騎歷城池。帝女樓臺向晚披。露灑旌旗雲外出。
風迴巖岫雨中移。當軒半落天河水。遠逕全低月樹枝。
簫鼓宸遊陪宴日。和鳴雙鳳喜來儀。

蘇頲。字廷碩。雍州人。襲封許。世稱小許公。與張燕公。並以文章顯。號燕許大手筆。

澗湖山寺

張說

空山寂歷道心生。虛谷迢遙野鳥聲。禪室從來雲外賞。
香臺豈是世中情。雲間東嶺千重出。樹裏南湖一片明。

若使巢由同此意。不將蘿薜易簪纓。

遙同蔡起偃松篇

清都衆木總榮芬。傳道孤松最出羣。名接天庭多景色。
氣連宰闕借氛氤。懸池的的停華露。偃蓋重重拂瑞雲。
不惜流膏助仙鼎。願將楨幹捧明君。

奉和初春幸太平公主南莊應制

李邕

傳聞銀漢支機石。復見金輿出紫微。織女橋邊烏鵲起。
仙人樓上鳳凰飛。流風入座飄歌扇。瀑水當階濺舞衣。
今日還同犯牛斗。乘槎共泛海潮歸。

李邕。唐書無傳。附李鳳傳鳳孫。中宗時嗣虢王。旋削爵。後復仕。終衛尉卿。

黃鶴樓

崔顥

昔人已乘黃鶴去。此地空餘黃鶴樓。黃鶴一去不復返。白雲千載空悠悠。晴川歷歷漢陽樹。芳艸萋萋鸚鵡州。日暮鄉關何處是。煙波江上使人愁。

行經華陰

崑崙太華俯咸京。天外三峰削不成。武帝祠前雲欲散。仙人掌上雨初晴。河山北枕秦關險。驛路西連漢時平。借問路旁名利客。無如此處學長生。

登金陵鳳凰臺

李白

鳳凰臺上鳳凰遊。鳳去臺空江自流。吳宮花草埋幽徑。晉代衣冠成古邱。三山半落青天外。二水中分白鷺洲。總為浮雲能蔽日。長安不見使人愁。

早朝大明宮。呈兩省僚友

賈至

銀燭朝天紫陌長。禁城春色曉蒼蒼。千條弱柳垂青瑣。百轉流鶯遠建章。劍佩聲隨玉墀步。衣冠身惹御爐香。共沐恩波鳳池上。朝朝染翰侍君王。

賈至。字幼鄰。洛陽人。玄宗拜起居舍人知制誥。撰肅宗登極藻。歷中書舍人。諡曰定。有集二十卷。

和賈至舍人早朝大明宮之作 王維

絳幘雞人報曉籌。尙衣方進翠雲裘。九天闔闔開宮殿。
萬國衣冠拜冕旒。日色纔臨仙掌動。香煙欲傍袞龍浮。
朝罷須裁五色詔。珮聲歸向鳳池頭。

和太常韋主簿五郎溫泉寓目

漢主離宮接露臺。秦川一半夕陽開。青山盡是朱旗繞。
碧澗翻從玉殿來。新豐樹裏行人度。小苑城邊獵騎回。
聞道甘泉能獻賦。懸知獨有子雲才。

奉和聖製從蓬萊向興慶閣道中留春雨中
春望之作應制

渭水自縈秦塞曲。黃山舊繞漢宮斜。鸞輿迥出千門柳。
閣道回看上苑花。雲裏帝城雙鳳闕。雨中春樹萬人家。
爲乘陽氣行時令。不是宸遊玩物華。

酌酒與裴迪

酌酒與君君自寬。人情翻覆似波瀾。白首相知猶按劍。
朱門先達笑彈冠。草色全經細雨濕。花枝欲動春風寒。
世事浮雲何足問。不如高臥且加餐。

過乘如禪師蕭居士嵩丘蘭若

無着天親弟與兄。嵩丘蘭若一峰晴。食隨鳴磬巢鳥下。
行蹈空林落葉聲。迸水定侵香案濕。雨花應共石牀平。

深洞長松何所有。儼然天竺古先生。

送魏萬之京

李頎

朝聞遊子唱離歌。昨夜微霜初度河。鴻雁不堪愁裏聽。
雲山況是客中過。關城樹色催寒近。御苑砧聲向晚多。
莫是長安行樂處。空令歲月易蹉跎。

題塔公山池

遠公遯跡廬山岑。開士幽居祇樹林。片石孤雲窺色相。
清池皓月照禪心。指揮如意天花落。坐臥閒房春草深。
此外俗塵都不染。唯餘玄度得相尋。

宿瑩公禪房聞梵

花宮仙梵遠微微。月隱高城鐘漏移。夜動霜林驚落葉。
曉聞天籟發清機。蕭條已入寒空靜。颯沓仍隨秋雨飛。
始覺浮生無住著。頓令心地欲歸依。

望薊門

祖咏

燕臺一去客心驚。笙鼓喧喧漢將營。萬里寒光生積雪。
三邊曙色動危旌。沙場烽火侵胡月。海畔雲山擁薊城。
少小雖非投筆吏。論功還欲請長纓。

九日登仙臺呈劉明府

崔署

漢文皇帝有高臺。此日登臨曙色開。三晉雲山皆北向。
二陵風雨自東來。關門令尹誰能識。河上仙翁去不回。

且欲近尋彭澤令。陶然共醉菊花杯。

送李少府貶峽中。王少府貶長沙

高適

嗟君此別意何如。駐馬銜杯問謫居。巫峽啼猿數行淚。
衡陽歸雁幾封書。青楓江上秋天遠。白帝城邊古木疎。
聖代卽今多雨露。暫時分手莫躊躇。

和賈至舍人早朝大明宮之作

岑參

鷄鳴紫陌曙光寒。鶯囀皇州春色闌。金闕曉鐘聞萬戶。
玉階仙仗擁千官。花迎劍佩星初落。柳拂旌旗露未乾。

獨有鳳凰池上客。陽春一曲和皆難。

和祠部王員外雪後早朝卽事

長安雪後似春歸。積素凝華連曙輝。色借玉珂迷曉騎。
光添銀燭晃朝衣。西山落月臨天仗。北闕晴雲捧禁闈。
聞道仙郎歌白雪。由來此曲和人稀。

萬歲樓

王昌齡

江上巍巍萬歲樓。不知經歷幾千秋。年年喜見山長在。
日日悲看水獨流。猶猶何曾離莫嶺。鷓鴣空自泛寒洲。
誰堪登望雲煙裏。向晚茫茫發旅愁。

題張氏隱居

杜甫

春山無伴獨相求。伐木丁丁山更幽。澗道餘寒歷冰雪。
石門斜日到林丘。不貪夜譏金銀氣。遠害朝看麋鹿遊。
乘興杳然迷出處。對君疑是泛虛舟。

野望

西山白雪三城戍。南浦清江萬里橋。海內風塵諸弟隔。
天涯滂淚一身遙。唯將遲莫供多病。未有涓埃答聖朝。
跨馬出郊時極目。不堪人事日蕭條。

登樓

花近高樓傷客心。萬方多難此登臨。錦江春色來天地。
玉壘浮雲變古今。北極朝廷終不改。西山冠盜莫相侵。

可憐後主還祠廟。日暮聊爲梁父吟。

秋興

玉露凋傷楓樹林。巫山巫峽氣蕭森。江間波浪兼天湧。
塞上風雲接地陰。叢菊兩開他日淚。孤舟一繫故園心。
寒衣處處催刀尺。白帝城高急暮砧。

二

千家山郭靜朝暉。日日江樓坐翠微。信宿漁人還汎汎。
清秋燕子故飛飛。匡衡抗疏功名薄。劉向傳經心事違。
同學少年多不賤。五陵衣馬自輕肥。

三

蓬萊宮闕對南山。承露金莖霄漢間。西望瑤池降王母。
 東來紫氣滿函關。雲移雉尾開宮扇。日繞龍鱗識聖顏。
 一臥滄江驚歲晚。幾回青瑣點朝班。

四

昆明地水漢時功。武帝旌旗在眼中。織女機絲虛夜月。
 石鯨鱗甲動秋風。波漂菰米沉雲黑。露冷蓮房墜粉紅。
 關塞極天唯鳥道。江湖滿地一漁翁。

九日登高

風急天高猿嘯哀。渚清沙白鳥飛回。無邊落木蕭蕭下。
 不盡長江滾滾來。萬里悲秋常作客。百年多病獨登臺。

艱難苦恨繁霜鬢。潦倒新停獨酒盃。

闕下贈裴舍人

錢起

二月黃鸝飛上林。春城紫禁曉陰陰。長樂鐘聲花外盡。
 龍池柳色雨中深。陽和不散窮途恨。霄漢常懸捧日心。
 獻賦十年猶未遇。羞將白髮對華簪。

錢起。字仲文。吳興人。與郎士元俱以詩名士林。語曰前有沉宋。後有錢郎。有集十二卷。

自鞏洛舟行入黃河卽事寄府縣僚友

韋應物

夾水蒼山路向東。東南山豁大河通。寒樹依微遠天外。

夕陽明滅亂流中。孤砌幾歲臨伊岸。一雁初晴下朔風。
為報洛橋游宦侶。扁舟不繫與心同。

贈錢起秋夜宿靈臺寺見寄

郎士元

石林精舍武溪東。夜叩禪扉謁遠公。月在上方諸品靜。
心持半偈萬緣空。蒼苔古道行應遍。落日寒泉聽不窮。
覆憶雙峰最高頂。此心期與故人同。

鹽州過胡兒飲馬泉

李益

綠楊著水草如煙。舊是胡兒飲馬泉。幾處吹笳明月夜。
何人倚劍白雲天。從來凍合關山路。今日分流漢使前。

莫遣行人照容鬢。恐驚憔悴入新年。

李益。字君虞隴西姑臧人。大曆四年登第。遷太子賓客。以禮部尚書致仕。有集二卷。

登柳州城樓寄漳汀封連四州刺史

柳宗元

城上高樓接大荒。海天愁思正茫茫。驚風亂颭芙蓉水。
密雨斜侵薜荔牆。嶺樹重遮千里目。江流曲似九迴腸。
共來百粵文身地。猶自音書滯一鄉。

左遷至藍關至姪孫湘

韓愈

一封朝奏九重天。夕貶潮州路八千。欲為聖明除弊事。

月將衰朽惜殘年。雲橫秦嶺家何在。雪擁藍關馬不前。
知汝遠來應有意。好收吾骨漳江邊。

韓愈。字退之。南陽人。遷刑部侍郎。諫佛骨貶潮州刺史。穆宗時。遷吏部侍郎。諡曰文。有集四十卷。

唐詩選鈔本六卷

五言絕句

題袁氏別業

賀知章

主人不相識。偶坐爲林泉。莫謾愁沽酒。囊中自有錢。

賀知章。字季真。擢超拔羣。數科遷太常博士。開元初遷禮部侍郎。晚節放誕。號四明狂客。

夜送趙縱

楊炯

趙氏連城壁。由來天下傳。送君還舊府。明月滿前川。

楊炯。華陰人。舉神童。遷盈川令。武后時與宋之間分直習藝館。

卒有盈川集三十卷

易水送別

駱賓王

此地別燕丹。壯士髮衝冠。昔時人已沒。今日水猶寒。

南樓望

盧僕

去國三巴遠。登樓萬里春。傷心江上客。不是故鄉人。

盧僊 中宗時人。自開喜尉。入為學士。終吏部員外郎。

照鏡見白髮

張九齡

宿昔青雲志。蹉跎白髮年。誰知明鏡裏。形影自相憐。

同洛陽李少府觀永樂公主入蕃

孫逖

邊地鶯花少。年來未覺新。美人天上落。龍塞始應春。

靜夜思

李白

牀前看月光。疑是池上霜。舉頭望山月。低頭思故鄉。

秋浦歌

白髮三千丈。緣愁似箇長。不知明鏡裏。何處得秋霜。

獨坐敬亭山

衆鳥高飛盡。孤雲獨去閒。相看兩不厭。只有敬亭山。

襄陽曲

峴山臨漢江。水碧沙如雪。上有墮泪碑。青苔久磨滅。

臨高臺

王維

相送臨高臺。川原杳何極。日暮飛鳥還。行人去不息。

雜詩

已見寒梅發。復聞啼鳥聲。愁心視春草。畏向玉階生。

鹿柴

空山不見人。但聞人語響。返景入深林。復照青苔上。

竹里館

獨坐幽篁裏。彈琴復長嘯。深林人不知。明月來相照。

送朱大入秦

孟浩然

遊人五陵去。寶劍值千金。分手脫相贈。平生一片心。

春曉

春眠不覺曉。處處聞啼鳥。夜來風雨聲。花落知多少。

洛陽道獻呂四郎中

儲光羲

大道直如髮。春日佳氣多。五陵貴公子。雙雙鳴玉珂。

關山月

樂府

一雁過連營。繁霜覆古城。胡笳在何處。半夜過邊聲。

儲光羲魯國人。天寶末為監察御史。坐祿山僞官貶死。有集七十卷。

答武陵田太守

王昌齡

仗劍行千里。微軀冑一言。曾為大梁客。不負信陵恩。

王昌齡。字少伯江寧人。第進士備郎。晚節不矜細行。遷東京留守。為祿山所執。贈司徒諡忠懿。

孟城坳

斐廸

結廬古城下。時登古城上。古城非疇昔。今人自來往。

鹿柴

日夕見寒山。便為獨徃客。不知松林事。但有麝麕跡。

斐廸關中人。與王維同倡和。

絕句

杜甫

江碧鳥逾白。山青花欲然。今春看又過。何日是歸年。

詠史

高適

尙有緜袍贈。應憐范叔寒。不知天下士。猶作布衣看。

見渭水思秦川

岑參

渭水東流去。何時到雍州。馮添兩行泪。寄向故園流。

登鸛鵲樓

王之渙

白日依山盡。黃河入海流。欲窮千里目。更上一層樓。

王之渙。並州人與高適同時。或云王昌齡友

罷相作

祖詠

避賢初罷相。樂聖且嘔盃。為問門前客。今朝幾箇來。

左掖梨花

丘爲

冷艷全欺雪。餘香乍入衣。春風且莫定。吹向玉階飛。

丘爲。嘉興人。事繼母孝。常有靈芝生堂下。累官。太子右庶子。

卒年九十六。有集行世。

平蕃曲

劉長卿

絕漠大軍還。平沙獨戍閒。空留一片石。萬古在燕山。

逢俠者

錢起

燕趙悲歌士。相逢劇孟家。寸心言不盡。前路日將斜。

江行

咫尺愁風雨。匡廬不可登。祇疑雲霧窟。猶有六朝僧。

秋夜寄丘二十二員外

韋應物

懷君屬秋夜。散步咏涼天。山空松子落。幽人應未眠。

聞雁

故園渺何處。歸思方悠哉。淮南秋雨夜。高齋聞雁來。

秋日

耿漳

返照入閭巷。憂來誰其語。古道少人行。秋風動禾黍。

三閭廟

戴叔倫

沅湘流不盡。屈子怨何深。日暮秋風起。蕭蕭楓樹林。

戴叔倫。字幼公。潤州人。貞元中及第。守撫州。刺史。德宗嘗賦

中和節詩。遣使寵餞。代還卒于道。

秋風引

劉禹錫

何處秋風至。蕭蕭送雁羣。朝來入庭樹。孤客最先聞。

劉禹錫。字夢得。中山人。登博學宏詞科。以王叔文黨貶播州。斐

度。薦為翰林學士。樂天常推為詩豪。

尋隱者不遇

賈島

松下問童子。言師採藥去。只在此山中。雲深不知處。
賈島。字浪仙。范陽人。連敗文場為僧。韓愈教其為文。後舉進士。為長江主簿。有長江集十卷。

宮中

文宗

輦路生秋草。上林花滿枝。憑高何限意。無復侍臣知。
文宗。諱昂。憲宗太子。恭儉文雅。有志治功。在位十五年壽三十二崩。

勸酒

于武陵

勸君金屈卮。滿酌不須辭。花發多風雨。人生足別離。
于武陵。杜曲人。與李頻同時有詩一卷。

題慈恩寺塋

荆叔

漢國山河在。秦陵草樹深。暮雲千里色。無處不傷心。
荆叔傳未詳。

答人

太上隱者

偶來松樹下。高枕石頭眠。山中無曆日。寒盡不知年。
太上隱者。傳未詳。

唐詩選鈔本七卷

七言絕句

蜀中九日

九月九日望鄉臺。他席他鄉送客杯。
 鴻雁那從北地來。人情已厭南中苦。

王勃

渡湘江

遲日園林悲昔遊。今春花鳥作邊愁。
 不似湘江水北流。獨憐京國人南竄。

杜審言

邛山

北邙山上列墳塋。萬古千秋對洛城。
 山上唯聞松柏聲。城中日夕歌鐘起。

沈佺期

送司馬道士遊天台

羽客笙歌此地違。離筵數處白雲飛。
 桐柏山頭去不歸。蓬萊闕下長相憶。

宋之問

送梁六

巴陵一望洞庭秋。日見孤峰水上浮。
 心隨湖水共悠悠。聞道神仙不可接。

張說

回鄉

賀知章

少小離家老大回。鄉音無改鬢毛催。兒童相見不相識。笑問客從何處來。

涼州詞

王翰

葡萄美酒夜光杯。欲飲琵琶馬上催。醉臥沙場君莫笑。古來征戰幾人回。

隴西行

陳陶

誓掃兇奴不顧身。五千貂錦喪胡塵。可憐無定河邊骨。猶是春閨夢裏人。

清平調

李白

名花傾國兩相懽。常得君王帶笑看。解釋春風無限恨。

沉香亭北倚欄干。

峨眉山月歌

峨眉山人月半輪秋。影入平羌江水流。夜發清溪向三峽。思君不見下渝州。

上皇巡巡南京歌

誰道君王行路難。六龍西幸萬人懽。地轉錦江成渭水。天回玉壘作長安。劍閣重關蜀北門。上皇歸馬若雲屯。少帝長安開紫極。雙懸日月照乾坤。

聞王昌齡左遷龍標尉遙有此寄

楊花落盡子規啼。聞道龍標過五溪。我寄愁心與明月。隨風直到夜郎西。

陪族叔刑部侍郎擘及中書舍人賈至遊洞庭湖

洞庭西望楚江分。水盡南天不見雲。日落長沙秋色遠。不知何處弔湘君。

望天門山

天門中斷楚江開。碧水東流至北回。兩岸青山相對出。孤帆一片日邊來。

早發白帝城

朝辭白帝彩雲間。千里江陵一日還。兩岸猿聲啼不住。輕舟已過萬重山。

蘇臺覽古

舊苑荒臺揚柳新。菱歌清唱不勝春。只今唯有西江月。曾照吳王宮裏人。

越中懷古

越王勾踐破吳歸。義士還家盡錦衣。宮女如花滿春殿。只今唯有鷓鴣飛。

與史郎中欽聽黃鶴樓上吹笛

一爲遷客去長沙。西望長安不見家。黃鶴樓中吹玉笛。

江城五月落梅花。

春宮曲

王昌齡

昨夜風開露井桃。未央前殿月輪高。平陽歌舞新承寵。簾外春寒賜錦袍。

西宮春怨

西宮夜靜百花香。欲捲珠簾春恨長。斜抱雲和深見月。朧朧樹色隱昭陽。

西宮秋怨

芙蓉不及美人妝。水殿風來珠翠香。却恨含情掩秋扇。空懸明月待君王。

閨怨

閨中少婦不知怨。春日凝妝上翠樓。忽見陌頭楊柳色。悔教夫婿覓封侯。

出塞行

白草原頭望京師。黃河水流無盡時。秋天曠野行人絕。馬首東來知是誰。

從軍行

青海長雲暗雪山。孤城遙望玉門關。黃沙百戰穿金甲。不破樓蘭終不還。秦時明月漢時關。萬里長征人未還。但使龍城飛將在。

不教胡馬度陰山。

芙蓉樓送辛漸

寒雨連江夜入吳。平明送客楚山孤。洛陽親友如相問。一片冰心在玉壺。

少年行

王維

出身仕漢羽林郎。初隨驃騎戰漁陽。孰知不向邊庭苦。縱死猶聞俠骨香。

九月九日憶山中兄弟

獨在異鄉爲異客。每逢佳節倍思親。遙知兄弟登高處。遍插茱萸少一人。

與盧員外象過崔處士興宗林亭

綠樹重陰蓋四鄰。青苔日厚自無塵。科頭箕踞長松下。白眼看他世上人。

送韋評事

欲逐將軍取右賢。沙場走馬向居延。遙知漢使蕭關外。愁見孤城落日邊。

西亭春望

賈至

日長風煖柳青青。北雁歸飛入窅冥。岳陽城上聞吹笛。能使春心滿洞庭。

初至巴陵與李十二白同泛洞庭湖

楓岸紛紛落葉多。洞庭秋水晚來波。乘興輕舟無遠近。白雲明月弔湘娥。

苜蓿峯寄家人

岑參

苜蓿峯邊逢立春。胡蘆河上泪沾巾。閨中只是空相憶。不見沙場愁殺人。

玉關寄長安李主簿

東去長安萬里餘。故人那惜一行書。玉關西望腸堪斷。況復明朝是歲除。

逢入京使

故園東望路漫漫。雙袖龍鍾泪不乾。馬上相逢無紙筆。

憑君傳語報平安。

磧中作

走馬西來欲到天。辭家見月兩回圓。今夜不知何處宿。平沙萬里絕人煙。

虢州後亭送李判官使赴晉絳得秋字

西原驛路桂城頭。客散江亭雨未休。君去試看汾水上。白雲猶似漢時秋。

送劉判官赴磧西

火山五月行人少。看君馬去疾如鳥。都使行營太白炎。角聲一動胡天曉。

山房春事

梁園日暮乳飛鴉。極目蕭條三兩家。庭樹不知人去盡。春來還發舊時花。

寄孫山人

儲光羲

新林二月孤舟還。水滿清江花滿山。借問故園隱君子。時時來往住人間。

贈花卿

杜甫

錦城絲管日紛紛。半入江風半入雲。此曲祗應天上有人間能得幾回聞。

解悶

一辭故國十經秋。每見秋瓜憶故丘。今日南湖采薇蕨。何人為覓鄭瓜州。

塞下曲

常建

北海陰風動地來。明君祠上望龍堆。曠饑皆是長城卒。日暮沙場飛作灰。

三日尋李九庄

雨歇楊林東渡頭。永和三日盪輕舟。故人家在桃花岸。直到門前溪水流。

塞上聞吹笛

高適

雲淨胡天牧馬還。月明羌笛戍樓間。借問梅花何處落。

風吹一夜滿關山。

寄韓鵬

李頎

為政心閒物自閒。朝看飛鳥暮飛還。
寄書河上神明宰。羨爾城頭姑射山。

題長安主人壁

張謂

世人結交須黃金。黃金不多交不深。
縱令然諾暫相許。終是悠悠行路心。

江南行

張潮

茨菰葉爛別西灣。蓮子花開猶未還。
妾夢不離江上水。人傳郎在鳳凰山。

春行

李華

宜陽城下草萋萋。澗水東流復向西。
芳樹無人花自落。春山一路鳥空啼。

李華。字遐叔。趙州人。中進士遷監察御史。祿山僞署閣舍人。華傷不能完節。後召左補闕不拜。

歸雁

錢起

瀟湘何事等閒回。水碧沙明兩岸苔。
二十五弦彈夜月。不勝清怨却飛來。

登樓

韋應物

踏閣攀林恨不同。楚雲滄海思無窮。
數家砧杵秋山下。

一郡荆薪寒雨中。

宿石邑山中

韓翃

浮雲不共此山齊。山靄蒼蒼望轉迷。曉月暫飛千樹裏。

秋河隔在數峯西。

宿昭應

顧況

武帝祈靈太乙壇。新豐樹色繞千官。那知今夜長生殿。

獨閉空山月影寒。

汴河曲

李益

汴水東流無限春。隋家宮闕已成塵。行人莫上長堤望。

風起楊花愁殺人。

夜上受降城聞笛

回樂峯前沙似雪。受降城外月如霜。不知何處吹蘆管。

一夜征人盡望鄉。

從軍北征

天山雪後海風寒。橫笛偏吹行路難。磧裏征人三十萬。

一時回首月中看。

揚柳枝詞

劉禹錫

煬帝行宮汴水濱。數株楊柳不勝春。晚來風起花如雪。

飛入宮牆不見人。

與歌者何戡

二十餘年別帝京。重聞天樂不勝情。舊人唯有何戡在。更與殷勤唱渭城。

涼州詞

張籍

鳳林闕裏水東流。白草黃榆六十秋。邊將皆承主恩澤。無人解道取涼州。

張籍。字子昌。蘇州人。貞元及第。歷官大祝秘書郎國子司業。晚年失明。卒有集七卷。

十五夜

王建

中庭地白樹棲鴉。冷露無聲濕桂花。今夜月明人盡望。不知秋思在誰家。

王建。字仲初。潁州人。大曆進士。為陝州司馬。與韓愈張籍相友善。工為樂歌行。有詩集十卷。

塞下曲

張仲素

三戍漁陽再度遼。驛弓在臂箭橫腰。匈奴似欲知名姓。休傍陰山更射雕。朔雪飄飄開雁門。平沙歷亂捲蓬根。功名恥計生擒數。直斬樓蘭報國恩。

張仲素。字繪之。元和中為翰林學士。

酬浩初上人欲登仙人山見貽

柳宗元

珠樹玲瓏隔翠微。病來方外事多違。仙山不屬分符客。一任凌空錫杖飛。

聞白樂天左降江州司馬

元稹

殘燈無焰影幢幢。此夕聞君謫九江。垂死病中驚起坐。暗風吹雨入寒窗。

元稹。字微之。河南人。太和間為尚書右丞。卒有元氏長慶集百卷傳于世。

同李十一醉憶元九

白居易

花時同計破春愁。醉折花枝當酒籌。忽憶故人天際去。數程今日到梁州。

白居易。字樂天。擢進士第。因事貶江州司馬。會昌初。以刑部尚書致仕。與元慎友善。世號元白體。

渡桑乾

賈島

客舍并州已十霜。歸心日夜憶咸陽。無端更渡桑乾水。却望并州是故鄉。

漢宮詞

李商隱

青雀西飛竟未回。君王長在集靈臺。侍臣最有相如渴。不賜金莖露一杯。

夜雨寄北

君問歸期未有期。巴山夜雨漲秋池。何當共剪西窗燭。

却話巴山夜雨時。

李商隱。字義山。懷州人。為文奇邁。與溫庭筠。號三十六體。自稱玉溪子。又號西崑體。

楊柳枝

溫庭筠

館娃宮外鄴城西。遠映征帆近拂堤。繫得王孫歸意切。不關春草綠萋萋。

溫庭筠。字飛卿。並州祈人。工為詞章。然薄於行。多作仄體艷曲。數舉不第。後上書授方山尉。

經汾陽舊宅

趙嘏

門前不改舊山河。破虜曾經馬伏波。今日獨經歌舞地。

古槐疎冷夕陽多。

邊詞

張敬忠

五原春色舊來遲。二月垂楊未挂絲。即今河畔冰開日。正是長安花落時。

張傳未詳。

秋思

許渾

琪樹西風枕簟秋。楚雲湘水憶同遊。高歌一曲掩明鏡。昨日少年今白頭。

許渾。字仲晦。丹陽人。太和進士。為太平縣令。後辟監察御史。歷睦鄆二州刺史。有丁卯集二卷。

退朝望終南山

李拯

紫宸朝罷綴鸞鸞。丹鳳樓前駐馬看。唯有終南山色在。晴明依舊滿長安。

李拯。字昌時。咸通末進士。累遷考功郎中。黃巢亂避地於平陽。僖宗間為翰林學士。

折楊柳

段成式

枝枝交影鎖長門。嫩色曾霑雨露恩。鳳輦不來春欲盡。空留鶯語到黃昏。

段成式。字柯古。會昌時人。博學強記。多奇篇秘籍。著酉陽雜俎書數十篇。官終太常少卿。

宿疎陂驛

王周

秋染棠梨葉半紅。荊州東望草平空。誰知孤宦天涯意。微雨瀟瀟古驛中。

王周傳未詳。

塞下曲

釋皓然

寒塞無因見落梅。胡人吹入笛聲來。勞勞亭上春應度。夜夜城南戰未回。

釋皓然。字清晝。俗姓謝氏。湖州人。靈運十世孫。顏真卿撰韻海。皎然預其論著。居嵩山。有白蓮集十卷。詩式有一卷。與貫休齊己稱唐三高僧。

僧院

釋靈一

虎溪閒月引相過。帶雪松枝挂薜蘿。無限青山行欲盡。白雲深處老僧多。

釋靈一。越中雲門寺律師。持律精嚴。以清高爲世所推。與劉長卿。皇甫冉。嚴維。相倡和。

大正十二年四月四日印刷
大正十二年四月九日發行

唐詩選鈔本
【定價金九拾錢】

編纂者 釋 清 潭

發行者 高 島 米 峯
東京市小石川區原町六番地

印刷者 百 目 木 智 璉
東京市神田區三崎町三丁目一番地

印刷所 株 式 共 榮 舍
東京市神田區三崎町三丁目一番地



發行所

東京市小石川區原町六番地
電話小石川二一八番
振替口座東京一五六八六番

丙午出版社

284
40

釋	釋	釋	釋	釋	林	土屋鳳洲先生著	土屋鳳洲先生著	土屋鳳洲先生著	土屋鳳洲先生著	評解	評解
清潭先生著	清潭先生著	清潭先生著	清潭先生著	清潭先生著	古溪先生著	近世叢談	近世叢談	近世叢談	近世叢談	唐宋八大家文鈔	莊子私纂並講義
狐禪狸詩	胡詠史詩新釋	寒山詩新釋	和高僧名詩新釋	古文明燈	平仄字典	(和)一冊裝	(和)一冊裝	(和)一冊裝	(和)一冊裝	(和)一冊裝	(和)一冊裝
送定料價八十六錢	送定料價六十六錢	送定料價八十一錢	送定料價六十五錢	送定料價六十七錢	送定料價一圓八十錢	送定料價四十一錢	送定料價六十六錢	送定料價一圓二十五錢	送定料價八十七錢		

社版出午丙 六町原區川石小市京東 所賣發 六八六五—京東座口替振

終

